



Broj: 03-20-346/21
Vogošća, 25.03.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 25.03.2021. godine donio je

ODLUKU O IZBORU NAJPOVOLJNIJEG PONUĐAČA ZA NABAVKU SJEMENSKOG MATERIJALA ZA PROLJETNU SJETVU

Član 1.

Ponuda ponuđača "Agro-stroj" d.o.o. Vitez, ulica Divijak b.b. Vitez, odabrana je za nabavku sjemenskog materijala za proljetnu sjetvu, kao prvoplasirana na Rang listi, uz primjenu preferencijalnog tretmana domaćeg, sa ponuđenom ukupnom cijenom nabavke u iznosu od 23.406,00 KM bez uračunatog PDV-a, odnosno 27.385,02 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 03.03.2021. godine donio Odluku o pokretanju postupka Konkurentskog zahtjeva za dostavu ponuda za nabavku sjemenskog materijala za proljetnu sjetvu, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.03.2021. godine pod brojem: 1353-7-1-27-3-47/21.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 18.03.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 18.03.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-20-346/21 iz marta 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Agros" d.o.o. Rogatica	23.562,50	/	/	27.568,13
2	"Agro-stroj" d.o.o. Vitez	23.500,00	/	/	27.495,00
3	"Tabakovići" d.o.o. Sarajevo	23.440,17	/	/	27.425,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Agros" d.o.o. Rogatica,
- "Agro-stroj" d.o.o. Vitez i
- "Tabakovići" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su ponuđači "Agros" d.o.o. Rogatica i "Agro-stroj" d.o.o. Vitez dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50 % ukupne vrijednosti od ponuđenih roba imaju porijeklo iz BiH.

Tenderskom dokumentacijom-tačkom 9.5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 25.03.2021. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 25.03.2021. godine, Komisija za javne nabavke je sačinila sljedeću Rang listu u postupku Konkurentskog zahtjeva za dostavu ponuda za nabavku sjemenskog materijala za proljetnu sjetvu kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Agro-stroj" d.o.o. Vitez	23.406,00*	27.385,02
2	"Agros" d.o.o. Rogatica	23.429,50*	27.412,56
3	"Tabakovići" d.o.o. Sarajevo	23.440,17	27.425,00

*Označava cijenu na koju se primjenjuje preferencijalni tretman

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Agro-stroj" d.o.o. Vitez, za nabavku sjemenskog materijala za proljetnu sjetvu, kao prvoplasiranom na Rang listi, uz primjenu preferencijalnog tretmana domaćeg, sa ponuđenom ukupnom cijenom nabavke u iznosu od 23.406,00 KM bez uračunatog PDV-a, odnosno 27.385,02 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Agros" d.o.o. Rogatica
2. "Agro-stroj" d.o.o. Vitez
3. "Tabakovići" d.o.o. Sarajevo
4. Nadležnoj Službi
5. U dosije
6. a/a

agrosrogatica@gmail.com

ivo.blaz@gmail.com

tabakovic.i@bih.net.ba



Edin Smajić
Edin Smajić